

أيوب أنا

ساعات الدنيا بتأخذني
لموج عالي يغطيني
وأحس بروحي مسحوبة
وهم الدنيا يطويني
وتتجدد وشوش الناس
تصورهم كده عيوني
خيال ضايع مع الذكرى
يزيد الهم بشجوني
خطاوي وكلمتين وخلص
وأغرق تاني في ظنوني
وبين نفسي اللي انا نسيتها
وبين الماضي وجنوني

تضيع صورة هنا داريتها
وخببتها بجدراني
ويهمس حزني بالذكرى
والاقي الهمس في وداني
أنا اللي زماني علمني
أقول الآه في ألحاني
واغنى الوهم واتريني
بضيع بمكاني من تاني
وبضحك حتى على جرحي
وأعمل نفسي مش داري
وبتفاجئ بصورة هناك
على الحيطه ورا الشباك
بشبه حتى على نفسي
تضيع صورتني مع زماني
وليه يا زماني خلتنني

أعيش صمتي وكتماني

ولو سألوا

أقول مبسوط

وأضحك

وابتسم وأموت

وضحكي يزيد

أقول وأعيد

وأعمل نفسي إني سعيد

وانا الأحزان ملزماني

وحالفه في يوم

ما تنساني!!